



PERDANA
LEADERSHIP
FOUNDATION
YAYASAN
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Harakah
Date	9/3/2012

Pemuda PAS jumpa Mahathir, *The Star*

Harakah - 9/3/2012

KUALA LUMPUR: Dewan Pemuda PAS Pusat menjelaskan, pihaknya akan mengadakan pertemuan dengan mantan Perdana Menteri, Tun Dr Mahathir Mohamad dan juga akhbar *The Star* pada 12 Mac.

Jelas Ketuanya, Ustaz Nasrudin Hassan, pertemuan itu bagi mencari jalan penyelesaian terhadap isu-

isu yang telah mencetuskan kontroversi di dalam negara ini.

“Mengenai pertemuan Pemuda PAS dengan Tun Mahathir, kita ingin mendapat sendiri kepastian kenyataan beliau terhadap hukum hudud yang mana sebelum ini beliau mengatakan hudud tidak ada di dalam al-Quran.

“Kita tidak mahu membuat sebarang spekulasi berhubung perkara ini sebelum mendengar sendiri penjelasan darinya,” jelas beliau.

Tambah Ustaz Nasrudin lagi, perkara itu perlu diselesaikan secara berhadapan bagi mengelakkan dari berlakunya andaian yang lain daripada apa yang di-

maksudkan oleh mantan Perdana Menteri itu.

Sementara itu, pada hari yang sama juga, Pemuda PAS turut berhasrat mengadakan kunjungan kerja dan dialog dengan Ketua Pengarang dan Pengarang akhbar *The Star* berkaitan dengan penyiaran gambar artis antarabangsa, Erykah Badu.